



ახალი კორონავირუსი

განახლებულია: 06.07.2020


ასე დავიცავთ თავს.



საინფორმაციო ბუკლეტი

მნიშვნელოვანი ინფორმაცია ახალი კორონავირუსის, ქცევის და ჰიგიენის წესების შესახებ.

ნიღბის ტარების ვალდებულება საზოგადოებრივ ტრანსპორტში



განაგრძეთ ჰიგიენის და ქცევის წესების დაცვა. შევაჩეროთ ახალი კორონავირუსის ფართო გავრცელება.



სიმპტომების გამოვლენისას დაუყოვნებლივ ჩაიტარეთ ტესტი და დარჩით სახლში




გაეცით ინფორმაცია ახლო კონტაქტების დადგენის მიზნით



დადებითი ტესტის შემთხვევაში: იზოლაციის წესი. დადებითი ტესტის მქონე პირთან კონტაქტის შემთხვევაში: კარანტინის წესი.




დაიცავით დისტანცია.



საფუძვლიანად დაიბანეთ ხელები.



მოერიდეთ ხელის ჩამორთმევას.



დაახველეთ და დააცემინეთ ცხვირსახოცში ან მოხრილ მკლავში.



ექიმთან ან სასწრაფო სამედიცინო მიღებაზე გამოცხადდით მხოლოდ წინასწარი სატელეფონო შეთანხმებით.

ხშირად დასმული კითხვები და პასუხები ახალი კორონავირუსის შესახებ

ახალი კორონავირუსისგან მოსახლეობის დასაცავად დადგენილი შეზღუდვების შემსუბუქების შემდეგ უფრო მეტი ადამიანი მოძრაობს საზოგადოებრივ ადგილებში. ფედერალური საბჭო მომავალშიც პირადი პასუხისმგებლობით სავსე ქვევაზე ამყარებს იმედებს. დისტანციის, ჰიგიენის და უსაფრთხოების წესების დაცვა კვლავ მნიშვნელოვანია, რაც ახალი შემთხვევების თავიდან აცილებაში დაგვეხმარება და ამით დაინფიცირების შემთხვევათა ხელახალ მატებას ავიცილებთ თავიდან.

1,5 მეტრიანი დისტანციის დაუცველობა ინფექციის გადადების დიდ რისკს შეიცავს. ის უმეტესად საზოგადოებრივ ტრანსპორტში შეიძლება მოხდეს ნებისმიერ დროს. მგზავრთა მზარდი გადაადგილების და იენისის მეორე ნახევრიდან მომატებულ შემთხვევათა რაოდენობის გათვალისწინებით ფედერალური საბჭო უსაფრთხოების ღონისძიებებს აძლიერებს და სავალდებულოს ხდის ნიღბის ტარებას 2020 წლის 6 ივლისიდან ყველა სახის საზოგადოებრივ ტრანსპორტში.

კვლავ ძალაში რჩება პირადი პასუხისმგებლობის აუცილებლობა: ინფექციის თავიდან ასაცილებლად მნიშვნელოვანია ხელების ხშირი დაბანა საპნით და დისტანციის დაცვა.

განაგრძეთ ჰიგიენის და ქცევის წესების დაცვა. შევაჩეროთ ახალი კორონავირუსის ფართო გავრცელება.

დაინფიცირება და საფრთხეები

რატომ არის ჰიგიენის და ქცევის წესების დაცვა ამგვარად მნიშვნელოვანი?

ახალი კორონავირუსი ახალი ვირუსია, რომლის წინააღმდეგაც ადამიანებს იმუნიტეტი ჯერ არ გამოუშუშავებიათ. ის შეიძლება მრავალი ადამიანის დაინფიცირების და ავადმყოფობის მიზეზი გახდეს. ამიტომაც ახალი კორონავირუსის გავრცელება შეძლებისდაგვარად უნდა შევანელოთ.

მძიმედ დაავადებისგან, განსაკუთრებით, მაღალი რისკჯგუფის წარმომადგენლები უნდა დავიცვათ.

მათ შორის არიან:

- 65 წლის ასაკს გადაცილებული პირები
- ზრდასრულები შემდეგი დაავადებებით:
 - სისხლის მაღალი წნევა,
 - სასუნთქი სისტემის ქრონიკული დაავადებები,
 - დიაბეტი,
 - იმუნური სისტემის დამაქვეითებელი დაავადებები და თერაპიის ქვეშ მყოფი პირები
 - გულ-სისხლძარღვთა დაავადებები და ასევე
 - კიბო

ან:

- ჭარბწონიანი პირები (სიმსუქნე, სხეულის მასის ინდექსით 40-დან ზევით)

თუ არ ხართ დარწმუნებული მიეკუთვნებით თუ არა მაღალ რისკჯგუფს, გთხოვთ მიმართოთ ექიმს.

ქცევის და ჰიგიენის წესების დაცვით ამ ადამიანებსაც უკეთესად დავიცავთ. გარდა ამისა, ხელს შევუწყობთ ჯანდაცვის დაწესებულებებში მძიმე ავადმყოფების მომავალშიც საუკეთესოდ უზრუნველყოფას, რადგანაც ინტენსიურ განყოფილებებში სამედიცინო ოთახების და სასუნთქი აპარატების რაოდენობა შეზღუდულია.

ხართ 65 წელს გადაცილებული ან გაქვთ რომელიმე ზემოთ ჩამოთვლილი დაავადება?

დაიცავით შემდეგი წესები:

- ჰიგიენის და ქცევის წესების მკაცრი დაცვით გადით სახლიდან. მოერიდეთ ხალხმრავალ ადგილებს (მაგ. რკინიგზის სადგურებს, საზოგადოებრივ ტრანსპორტს) და პიკის საათებს (მაგ. შაბათის საყიდლები, სამსახურისკენ და სამსახურიდან სახლისკენ გადაადგილება)
- მოერიდეთ ზედმეტ კონტაქტებს და დაიცავით დისტანცია (მინიმუმ [1,5](#) მეტრი).
- დაავადებულ საყიდლების გაკეთება მეგობრებს ან მეზობლებს ან შეუკვეთეთ ინტერნეტით ან ტელეფონით. ასევე, შეგიძლიათ ისარგებლოთ სხვადასხვა ორგანიზაციების, თქვენი თემის დახმარებით ან ინტერნეტში არსებული შემოთავაზებებით.
- საქმიანი და პირადი შეხვედრებისთვის ისარგებლეთ ტელეფონით, სკაიპით ან სხვა მსგავსი საკომუნიკაციო საშუალებებით.

ექიმთან ვიზიტის აუცილებლობისას ისარგებლეთ თქვენი მანქანით ან ველოსიპედით, იარეთ ფეხით. სხვა შემთხვევაში გამოიძახეთ ტაქსი. დაიცავით მინიმუმ ორმეტრიანი დისტანცია და ჰიგიენის წესები. **ატარეთ ნიღაბი, თუ შეუძლებელია დისტანციის დაცვა.**

თუ ხართ დასაქმებული და რისკჯგუფს მიეკუთვნებით, თქვენი დამსაქმებელი ვალდებულია იზრუნოს თქვენს უსაფრთხოებაზე.

სასარგებლო ინფორმაციას იპოვით Unia Switzerland-ის ბმულზე: თქვენი უფლებები სამუშაო ადგილზე <https://www.unia.ch/de/arbeitswelt/von-a-z/coronavirus>

გაქვთ დაავადების ერთი ან რამდენიმე სიმპტომი, როგორცაა ხველა (უმეტესწილად მშრალი), ყელის ტკივილი, ქოშინი, სიცხე, სიცხის შეგრძნება, კუნთების ტკივილი ან უეცრად დაკარგეთ ყნოსვის ან/და გემოვნების შეგრძნება? **დაუყოვნებლივ დარეკეთ ექიმთან ან საავადმყოფოში, კვირის ნებისმიერ დღეს**, მათ შორის შაბათ-კვირას. აღწერეთ თქვენი სიმპტომები და აცნობეთ, რომ მაღალ რისკჯგუფს მიეკუთვნებით.

როგორ ვრცელდება ახალი კორონავირუსი?

ახალი კორონავირუსი უმეტესწილად მჭიდრო და ხანგრძლივი კონტაქტით გადადის: დაავადებულ პირთან 1,5 მეტრზე ნაკლები დისტანციის დაცვის შემთხვევაში.

ინფიცირება ხდება

- **ჰაერწვეთოვანი გზით:** დაავადებულის მიერ **დაცემინებისას ან დახველებისას** შესაძლოა, ვირუსი სხვა ადამიანის ცხვირის, პირის ან თვალის ლორწოვან გარსზე მოხვდეს.
- **ხელებით:** ხველებისას და დაცემინებისას გადამდები წვეთები ხელებზე მოხვდება. ან შესაძლოა, ხელი ვირუსიან ზედაპირს შეეხოს. პირზე, ცხვირზე ან თვალებზე შეხებით ვირუსი გადაეცემა.

როდის არის ვირუსი გადამდები?

გათვალისწინეთ: ახალი კორონავირუსით დაავადებული ხანგრძლივი დროის განმავლობაში წარმოადგეს ვირუსის გადადების საშიშროებას. კონკრეტულად:

- სიმპტომების **დაწყებამდე** უკვე ერთი დღით ადრე – ანუ, ინფიცირების შენიშვნამდე.
- **დაავადება განსაკუთრებით გადამდებია სიმპტომების არსებობის შემთხვევაში.**
- სრულიად გამოჯანმრთელების **შეგრძნებიდან არანაკლებ, 48 საათის განმავლობაში.** ამიტომაც მომავალშიც დაიცავით დისტანცია და რეგულარულად დაიბანეთ ხელები საპნით.

დასაშვებია თუ არა ბებიების და ბაბუების ზრუნვა შვილიშვილებზე?

65 წელს გადაცილებული პირები მაღალი რისკჯგუფის წარმომადგენლები არიან და მათ განსაკუთრებით უნდა იზრუნონ საკუთარ უსაფრთხოებაზე. ხშირად ამ რიცხვს მიეკუთვნებიან ბებიები და ბაბუები. ყოველივეს გათვალისწინებით, თავად უნდა გადაწყვიტონ სურთ თუ არა შვილიშვილებზე ზრუნვა.

რჩევა ბებიებს და ბაბუებს ნებისმიერი შემთხვევისთვის:

- დაიცავით ჰიგიენის და ქცევის წესები, მაგალითად, ხშირად დაიბანეთ ხელები, ნუ გამოიყენებთ ბავშვის ჭიქას და მშობლებთან დაიცავით დისტანცია.
- ერიდეთ ხალხმრავალ ადგილებს, მაგალითად რკინიგზის სადგურებს ან საზოგადოებრივ ტრანსპორტს პიკის საათის დროს.
- ნუ გაუწევთ მზრუნველობას ბავშვს თქვენი ან მისი ავადმყოფობის დროს მსუბუქად გამოხატული სიმპტომების შემთხვევაშიც.

სიმპტომები, დიაგნოზი და მკურნალობა

რა სახის სიმპტომები ახლავს ახალი კორონავირუსით დაავადებას?

გავრცელებულია შემდეგი სიმპტომები:

- ხველება (უმეტესწილად მშრალი)
- ყელის ტკივილი
- ქოშინი
- სიცხე, სიცხის შეგრძნება
- კუნთების ტკივილი
- ყნოსვის და/ან გემოვნების უეცარი დაკარგვა

იშვიათია:

- თავის ტკივილი
- კუჭ-ნაწლავის დაავადებათა სიმპტომები
- თვალის ლორწოვანი გარსის ანთება
- სურდო

სიმპტომები სხვადასხვა სიმძიმით ვლინდება, და შესაძლოა, რომ მსუბუქი ფორმითაც გამოვლინდეს. აგრეთვე შესაძლებელია გართულება, მაგალითად, ფილტვების ანთება.

თუ გავრცელებული სიმპტომებიდან ერთი ან რამდენიმე გაწუხებთ, დიდი ვარაუდით ახალი კორონავირუსით ხართ დაავადებული.

ამ შემთხვევაში:

- დარჩით სახლში.
- შეამოწმეთ კორონავირუსის სიმპტომები (იხილეთ ბმულები შემდეგ პუნქტში) ან დაურეკეთ თქვენს ექიმს. უპასუხეთ კითხვებს ინტერნეტით ან ტელეფონით. ბოლოს თქვენ მიიღებთ ქცევის რეკომენდაციას და საჭიროების შემთხვევაში ტესტის ჩატარების ინსტრუქციას.
- გაეცანით და მკაცრად დაიცავით «იზოლაციის» ინსტრუქციები (www.bag.admin.ch/neues-coronavirus-downloads)

თუ 65 წელს გადაცილებული ხართ ან სხვა დაავადება გაწუხებთ, გაითვალისწინეთ: თუ გავრცელებული ერთი ან რამდენიმე სიმპტომი გაწუხებთ დაუყოვნებლივ დაურეკეთ ექიმს, კვირის ნებისმიერ დღეს, მათ შორის შაბათ-კვირას.

არ იცით როგორ მოიქცეთ?

კორონავირუსის სიმპტომების შესამოწმებლად ვებგვერდზე <https://check.bag-coronavirus.ch/screening> რამდენიმე კითხვაზე პასუხის გაცემით მიიღებთ ჯანდაცვის ფედერალური უწყების მიერ ქცევის რეკომენდაციას (გერმანულ, ფრანგულ, იტალიურ და ინგლისურ ენებზე).

კორონავირუსის სიმპტომების შემოწმება შესაძლებელია ვაადტის კანტონის ვებგვერდზე <https://coronavirus.unisante.ch/evaluation> 8 ენაზე.

კორონავირუსის სიმპტომების ვებგვერდზე შემოწმება ვერ ჩაანაცვლებს სამედიცინო კონსულტაციას, დიაგნოზს ან მკურნალობას. მსგავსი სიმპტომები შეიძლება სხვა დაავადებების დროს გამოვლინდეს, რაც განსხვავებულ მიდგომას მოითხოვს.

აშკარად გამოხატული სიმპტომების შემთხვევაში, თუ ის უარესდება ან გაშფოთებთ, ყოველთვის მიმართეთ ექიმს.

როგორ მკურნალობენ ახალი კორონავირუსით დაავადებულებს?

მკურნალობა სიმპტომების შემსუბუქებით შემოიფარგლება. დაავადებულები სხვების დაცვის მიზნით იზოლაციაში მოთავსდებიან. მძიმედ დაავადების შემთხვევაში უმეტესწილად საჭიროა ინტენსიურ განყოფილებაში მკურნალობა. გარკვეულ შემთხვევებში ხელოვნური სუნთქვა გარდაუვალი იქნება.

თუ გაქვთ ჩივილები, თავს შეუძლოდ გრძნობთ ან გაქვთ სიმპტომები, რომელიც ახალ კორონავირუსთან დაკავშირებული არ არის?

ჯანმთელობასთან დაკავშირებულ ჩივილებს, დაავადებებს და სიმპტომებს, რომლებიც ახალ კორონავირუსთან დაკავშირებული არ არიან, ასევე ყურადღებით უნდა მოეკიდოთ და იმკურნალოთ. ისარგებლეთ დახმარებით და ნუ დაყოვნებთ: დაურეკეთ ექიმს.

დამატებითი ინფორმაცია

რომელი ღონისძიების ჩატარება არის დაშვებული?

დაშვებულია საზოგადოებრივი და კერძო ღონისძიებების გამართვა 300-მდე ადამიანის მონაწილეობით. მათ რიცხვში შედის მაგალითად: საოჯახო ღონისძიებები, ბაზრობა-გამოფენები, კონცერტები, თეატრალური წარმოდგენები, ფილმების ჩვენება და პოლიტიკური და სამოქალაქო საზოგადოებრივი აქციები, ასევე სპორტული და საკლუბო ღონისძიებები.

კერძო და საოჯახო ღონისძიებები: მათი ჩატარება დაშვებულია საცხოვრებელი სივრცის მიღმა. ამისათვის არ არის აუცილებელი უსაფრთხოების წესების დაცვა. თუმცა, ღონისძიების ორგანიზატორი ვალდებულია შეადგინოს დამსწრეთა სია საკონტაქტო მონაცემებით (სახელი, გვარი, ტელეფონის ნომერი).

საზოგადოებრივი ღონისძიებები, როგორც არის სპორტული ღონისძიებები და შეჯიბრებები: მათ ჩასატარებლად უნდა იყოს წარმოდგენილი უსაფრთხოების წესები.

6 ივლისამდე არ არის დაშვებული შეჯიბრებები, რომელიც სხეულის ახლო კონტაქტს მოითხოვს (ძიუდო, ჭიდაობა და ა.შ.).

გაითვალისწინეთ: დამსწრე პირები უნდა უზრუნველყოთ დისტანციისა და ჰიგიენის წესების საიმედო დაცვით.

რა მოხდება, თუ ინფიცირებულთა რიცხვი შემცირების ნაცვლად მოიმატებს?

ეს დამოკიდებულია სიტუაციის განვითარებაზე. იმ შემთხვევაში, თუ ახალი ინფექციების რიცხვი კვლავ გაიზარდება, ფედერალური საბჭო გადაიტანს დაგეგმილი შეზღუდვების შემსუბუქებას ან უკვე არსებულ შემსუბუქებულ ზომებს ნაწილობრივ გააუქმებს. ამ შემთხვევაში ასევე შევა ცვლილებები უსაფრთხოების წესებში.

დახმარების მიღება

როგორ მოვიქცე, თუ საავადმყოფოში ჩემს ენაზე ვერ მესაუბრებიან და ჩემი არ არ ესმით?

თავიდანვე მოითხოვეთ თარჯიმანი. არსებობს თარჯიმნის სატელეფონო მომსახურება. პროფესიონალი თარჯიმნების მომსახურებისას ოჯახის წევრთა თარჯიმნად მოყვანა აღარ დაგჭირდებათ და ამით მათი დაინფიცირების საფრთხეს შეამცირებთ. სამედიცინო მომსახურებისას ურთიერთგაგების უფლება გაქვთ.

სახლში უნდა დარჩეთ და სურსათი ან წამლები გჭირდებათ? ან დახმარების გაწევა გასურთ?

დაუკვირდით თქვენს გარშემო მყოფებს:

- შეგიძლიათ, ვინმეს დახმარება სთხოვოთ?
- ან შეგიძლიათ, ვინმეს დახმარება შესთავაზოთ?

დამატებითი შესაძლებლობები:

- მიმართეთ თქვენი დასახლების თვითმმართველობას
- გამოიყენეთ «Five up»-აპლიკაცია
- გაეცანით შემდეგ ვებგვერდს www.hilf-jetzt.ch / www.aide-maintenant.ch

ამ შემთხვევაშიც ვალდებული ხართ, მუდმივად განახორციელოთ და დაცვათ ქცევის და ჰიგიენის წესები.

ნერვიულობთ ან მოსაუბრე გჭირდებათ?

აქ იხილავთ ინფორმაციას:

- ვებ-გვერდზე www.dureschnufe.ch / www.როგორ_ამოვისუნთხო.გვ / www.santepsy.ch / <http://www.salutepsi.ch> / www.ფსიქიკური_ჯანმრთელობა.გვ
- სატელეფონო კონსულტაციის ნომერი 143 (Die Dargebotene Hand/დახმარების ხელი)

სახლში საფრთხე გემუქრებათ? საჭიროებთ დახმარებას ან მფარველობას?

- ვებ-გვერდზე www.opferhilfe-schweiz.ch / www.aide-aux-victimes.ch / www.aiuto-alle-vittime.ch/ (www.ძალადობის მსხვერპლთა და დაზარალებულთა დახმარება.გვ) ანონიმური კონსულტაციების და ტელეფონის ნომრებს და ვებ-ფოსტის მისამართებს მოიძიებთ შვეიცარიის მთელ ტერიტორიაზე.
- **სასწრაფო დახმარების საჭიროების შემთხვევაში დაუკავშირდით პოლიციას:** ტელეფონის ნომერი **117**


დამატებითი მნიშვნელოვანი ტელეფონის ნომრები:

- **სამედიცინო დახმარების გამოძახება** (სასწრაფო დახმარების მანქანა) **144: მოქმედებს** შვეიცარიის მთელ ტერიტორიაზე და 24 საათის განმავლობაში ყველა სამედიცინო გადაუდებელ დახმარებას გაგიწევთ.
- **ინფოხაზი** ახალი კორონავირუსის შესახებ: ტელეფონის ნომერზე **058 463 00 00** ახალი კორონავირუსის შესახებ შეკითხვებზე გიპასუხებენ.
- **თუ ოჯახის ექიმი არ გყავთ: Medgate/მედიკითი** ტელეფონის ნომერზე **0844 844 911** 24 საათის ყოველ დღე (7 დღე) ს, წელიწადში 365 დღე მოგემსახურებათ.

სამსახურში დაბრუნება

ფედერალური საბჭო კვლავაც გირჩევთ სახლიდან მუშაობას იმ მიზეზითაც, რომ თავიდან აიცილოთ პიკის საათებში საზოგადოებრივი ტრანსპორტით მგზავრობა. თუმცა, დამსაქმებელი გადაწყვეტს, სამსახურში თქვენი დაბრუნების საკითხს და თარიღს.

თუ დასაქმებული ხართ და სხვა დაავადების გამო რისკგუფს მიეკუთვნებით, დამსაქმებელი ვალდებულია იზრუნოს თქვენს უსაფრთხოებაზე.



ნიღბის ტარების ვალდებულება საზოგადოებრივ ტრანსპორტში

სად ვრცელდება ნიღბის ტარების ვალდებულება?

ნიღბის ტარება სავალდებულოა ყველა სახის საზოგადოებრივ ტრანსპორტში, შესაბამისად მატარებლებში, ტრამვაისა და ავტობუსებში, ასევე საბაგრო გზაზე ან გემებზე. გამონაკლისთა რიცხვშია სათხილამურო ლიფტები და ღია სავარძლის ტიპის საბაგროები.

ვრცელდება გამონაკლისები მცირეწლოვან ბავშვებსა და სხვა პირებზე?

12 წლამდე ასაკის ბავშვებს არ აქვთ ნიღბის ტარების ვალდებულება. ასევე ის პირები, ვისაც არ შეუძლიათ ნიღბის ტარება გარკვეული მიზეზების გამო, განსაკუთრებით კი ჯანმრთელობის მდგომარეობის გამო, გამონაკლისში არიან.

მაქვს თუ არა ნიღბის ტარების ვალდებულება ნახევრადგარიელ მატარებელში ან ავტობუსში?

ნიღბის ტარება სავალდებულოა საზოგადოებრივ ტრანსპორტში მგზავრობის მიუხედავად. წინასწარ შეუძლებელია ტრანსპორტში ამომსვლელთა რიცხვის განსაზღვრა.

პიკის საათებში, ისევე როგორც სავსებულუბო პერიოდში დასვენების მიზნით გადაადგილების დროს, აუცილებლად გასათვალისწინებელია მგზავრობის რიცხვის მატება.

თუ ნიღაბი არ მაქვს: შემძლია თუ არა შარფის ან ყელსახვევის მოხვევა სახესა და ცხვირზე?

არა, შარფის ან ყელსახვევის გამოყენებით ნიღბის ტარების ვალდებულება არ იქნება შესრულებული. შარფი ვერ იცავს საკმარისად დაინფიცირებისგან და ის არც სხვების დაცვის ფუნქციას ასრულებს სრულფასოვნად. უნდა ატაროთ ჰიგიენური ან წარმოებაში დამზადებული ნაჭრის ნიღაბი.

ვინ აკონტროლებს მგზავრობა მიერ ნიღბის ტარებას?

კონტროლსა და აღსრულებას ახორციელებს მატარებელში მომუშავე პერსონალი და რკინიგზის პოლიცია ან უსაფრთხოების სამსახური.

და თუ უარს ვამბობ ნიღბის ტარებაზე?

ვინც უარს ამბობს ნიღბის ტარებაზე, სატრანსპორტო საშუალებას მომდევნო გაჩერებაზე დატოვებს.

თუ პირი უსაფრთხოების თანამშრომელთა მოთხოვნას შეეწინააღმდეგება და არ დატოვებს ტრანსპორტს, დაუმორჩილებლობისთვის დაეკისრება ჯარიმა (არა ადმინისტრაციული არამედ დაიწყება საქმის წარმოება ფულადი ჯარიმის დაკისრების შესახებ).

რატომ არ არის ნიღბის ტარება სავალდებულო საზოგადოებრივ ადგილებში ყველგან?

საზოგადოებრივ ტრანსპორტში ხანგრძლივი დროის განმავლობაში მრავალი ადამიანი იმყოფება გვერდიგვერდ ახლოს, რაც ინფექციის გავრცელების რისკს ზრდის. ამას გარდა, არ არის შესაძლებელი მგზავრთა საკონტაქტო მონაცემების გამოვლენა. ეს კი შეუძლებელს ხდის კონტაქტების დადგენას (Contact Tracing), თუ პირი კოვიდ-19-ით (COVID-19) არის ინფიცირებული.

ჯანდაცვის ფედერალური უწყება (BAG) ხანგრძლივი დროის განმავლობაში იუწყებოდა, რომ ჯანმრთელ ადამიანს საჯარო სივრცეში ნიღბი არ იცავს. მიუხედავად ამისა, რატომ გახდა მისი ტარება ახლა სავალდებულო?

ვინც ნიღბს ატარებს სხვებს იცავს. ინფიცირებული პირი შეიძლება გადამდები იყოს სიმპტომების გამოვლენამდე ბოლო ორი დღის განმავლობაში, ისე რომ თავადაც არ იცოდეს ამის შესახებ. იმ შემთხვევაში, თუ მცირე ზომის სივრცეში ყველა ატარებს ნიღბს, ადამიანები ერთმანეთისგან იქნებიან დაცულნი. და თუ მიუხედავად ამისა, არ იქნება გარანტირებული სრული დაცვა, ვირუსის გავრცელების ტემპის შენელებას მაინც შევძლებთ.



კორონავირუსის ტესტები და კონტაქტების დადგენა (Contact-Tracing) შეაჩერებს ინფექციის გავრცელების ჯაჭვს.

რატომ არის ეს ორი ღონისძიება ასე მნიშვნელოვანი.

იმისთვის, რომ ცხოვრების "ჩვეული" რეჟიმი შეძლებისდაგვარად აღდგეს, ინფექციის სიმპტომების მქონე ყველა ადამიანი დაუყოვნებლივ უნდა ჩაიტაროს ახალი კორონავირუსის ტესტი სიმპტომების მსუბუქი ფორმით გამოვლენის შემთხვევაშიც. ტესტის ჩატარების გარდა, ასევე, მნიშვნელოვანია ახლო კონტაქტების დადგენა და დასატურებულ შემთხვევასთან კონტაქტირებული პირის დადგენის მიზნით, მაგალითად რესტორანში. რადგან ინფიცირებული ადამიანი შესაძლებელია გადამდები იყოს, თუმცა თავს ჯერ კიდევ ჯანმრთელად გრძნობდეს. ასე რომ, ტესტების ჩატარებით და კონტაქტების დადგენით შესაძლებელია ინფექციის გავრცელების ჯაჭვის შეჩერება.

თუ კორონავირუსის ტესტი დადებითია, მაშინ იწყება კონტაქტების დადგენა

- კანტონის მმართველი ორგანოები ინფიცირებულ პირთან ერთად ადგენენ მის ახლო კონტაქტებს.
- მმართველი ორგანოები აწვდიან ინფორმაციას და დასატურებულ შემთხვევასთან კონტაქტირებულ პირებს შესაძლო ინფიცირების შესახებ და გასცემენ ქცევის რეკომენდაციებს.
- მაშინაც კი, თუ ამ პირებს სიმპტომები არ აქვთ, ისინი საკარანტინო რეჟიმზე უნდა გადავიდნენ. კარანტინის ხანგრძლივობა განსაზღვრულია 10 დღით ინფიცირებულ პირთან ბოლო კონტაქტიდან. გაეცანით „კარანტინი“-ს ინსტრუქციას (www.bag.admin.ch/neues-coronavirus-downloads) და განუხრელად დაიცავით წესები.
- თუ ამ პერიოდში ინფექცია არ გამოვლინდა, მმართველი ორგანოები აუქმებენ საკარანტინო რეჟიმს.



სვისკოვიდ (SwissCovid) აპლიკაცია

მობილურ ტელეფონებზე სვისკოვიდ (SwissCovid) აპლიკაციის მხარდაჭერით გვსურს ახალი კორონავირუსის უკონტროლო გავრცელების შეჩერება. რაც მეტი მომხმარებელი ეყოლება სვისკოვიდ (SwissCovid) აპლიკაციას, მით უფრო დიდი იქნება მათი წვლილი ვირუსთან ბრძოლაში. მომხმარებელი, რომელიც მინიმუმ ერთ ახალი კორონავირუსის მოგვიანებით დადასტურებულ შემთხვევასთან იმყოფებოდა კონტაქტში, აპლიკაციით მიიღებს ინფორმაციას შესაძლო დაინფიცირების შესახებ და ქცევის რეკომენდაციებს. კონფიდენციალურობა დაცული იქნება. აპლიკაციის გამოყენება ნებაყოფლობითი და უფასოა. მისი გადმოწერა შესაძლებელია, როგორც ეფლის (Apple) ეფლ-სტორით (App-Store) ასევე, გუგლის ფლეი-სტორით (Google Play Store).

სვისკოვიდ (SwissCovid) აპლიკაცია ხელს უწყობს სწრაფი გავრცელების ჯაჭვის შეჩერებას.

მობილური ტელეფონების (Android/iPhone) სვისკოვიდ (SwissCovid) აპლიკაცია ხელს უწყობს ახალი კორონავირუსის შეჩერებას. ის «კონტაქტების დადგენის» (Contact-Tracing) კლასიკური მეთოდის დანამატი, რაც გულისხმობს კანტონებს შორის გავრცელების ახალი წყაროს კონტაქტის გამოვლენის - და ამგვარად, ის დაავადების გავრცელების ჯაჭვის გაწყვეტაში შეიტანს წვლილს.

სვისკოვიდ (SwissCovid) აპლიკაცია ხელმისაწვდომია ეფლის (Apple) ეფლ-სტორიდან (App-Store) და გუგლის პლეი სტორიდან (Google Play Store) (შემდეგ ენებზე: გერმანული, ფრანგული, იტალიური, რეტორომანული, ალბანური, ბოსნიური, ინგლისური, ხორვატული, პორტუგალიური, სერბული, ესპანური).

- [გუგლ ფლეი სტორი \(Google Play Store\) ანდროიდისთვის \(Android\)](#)
- [ეფლ სტორი \(App-Store\) აიოს-თვის \(iOS\)](#)

სვისკოვიდ (SwissCovid) აპლიკაციის გამოყენება ნებაყოფლობითი და უფასოა. რაც მეტი ადამიანი დააინსტალირებს და გამოიყენებს აპლიკაციას, მით უფრო ქმედითი იქნება ის ახალ კორონავირუსთან ბრძოლაში.

როგორ მუშაობს სვისკოვიდ (SwissCovid) აპლიკაცია?

დააინსტალირეთ თქვენს მობილურ ეფლ (Apple) ან ანდროიდ (Android) ტელეფონებზე სვისკოვიდ (SwissCovid) აპლიკაცია. ამის შემდეგ მობილური ტელეფონი მუდმივად ჩართული ბლუთუთის (Bluetooth) ფუნქციის გარდა სხვა არაფერს საჭიროებს. მობილური ტელეფონი ბლუთუთით აგზავნის დაშიფრულ საიდენტიფიკაციო კოდს (ID), ე.წ. საკონტროლო ჯამს (Prüfsumme). საკონტროლო ჯამი არის მრავალ შემთხვევით ციფრთა კომბინაცია. ორი კვირის შემდეგ ყველა საკონტროლო კოდი წაიშლება მოწყობილობიდან.

აპლიკაცია განსაზღვრავს მობილურ ტელეფონებთან კონტაქტის ხანგრძლივობას და დისტანციას. ინფორმაცია ინახება **ახლო კონტაქტის** დამყარების შემთხვევაში (1,5 მეტრზე ნაკლები დისტანცია და დღის განმავლობაში ჯამურად 15 წუთზე მეტი). სწორედ ამ დროს არის შესაძლებელი ვირუსის გადაცემა.

შეტყობინება

სვისკოვიდ (SwissCovid) აპლიკაციის მომხმარებელი კორონავირუსის დადასტურების შემთხვევაში კანტონის სამმართველოდან მიიღებს კოდს (კოვიდკოდი-Covidcode). მხოლოდ ამ კოდით შეძლებს მომხმარებელი თავისი აპლიკაციისთვის შეტყობინების ფუნქციის გააქტიურებას და აპლიკაციის სხვა მომხმარებლების გაფრთხილებას, რომლებთანაც ახლო კონტაქტში იმყოფებოდა ვირუსის გადადების აქტიურ ფაზაში (სიმპტომების გამოვლენამდე 2 დღით ადრე). კოდის აქტივაციის შემდეგ ახლო კონტაქტში მყოფი პირები ავტომატურად მიიღებენ ანონიმურ შეტყობინებას.

პირებს, რომლებმაც შეტყობინება მიიღეს, შეუძლიათ დარეკონ აპლიკაციაში მითითებულ საინფორმაციო ცხელ ხაზზე და მიიღონ შემდგომი რეკომენდაციები. ამავდროულად, კონფიდენციალურობა მუდმივად დაცულია. თუ ინფორმირებულ პირს იმ დროისთვის გამოუვლინდა სიმპტომები, სახლში უნდა დარჩეს სხვა პირებთან კონტაქტის თავიდან ასაცილებლად, უნდა შეამოწმოს კორონავირუსის სიმპტომები ან განახორციელოს ზარი პირად ექიმთან.

ამ სოლიდარული ქცევით შეუძლია ყოველ ჩვენგანს, ინფექციის გავრცელების ჯაჭვის გაწყვეტა.

ანონიმურობის დაცვა

მონაცემები, რომელსაც სვისკოვიდ (SwissCovid) აპლიკაცია აგროვებს, ინახება მხოლოდ ადგილობრივად მომხმარებლის მობილურ ტელეფონზე. მონაცემები მომხმარებლის და ადგილმდებარეობის შესახებ არ იგზავნება ცენტრალურ ბაზაში ან სერვერზე. აქედან გამომდინარე, ვერავინ შეძლებს იმის განსაზღვრას, თუ ვისთან და სად ჰქონდა ადგილი კონტაქტს. როცა კორონავირუსის კრიზისი გადაილახება, ან თუ აპლიკაცია სასურველ შედეგს არ მოიტანს, სისტემა გაითიშება.

სვისკოვიდ (SwissCovid) აპლიკაციით მივიღე შეტყობინება შესაძლო დაინფიცირების შესახებ. მაქვს თუ არა ტესტის გაკეთების უფლება?

დიახ, ვირუსის დადასტურებულ შემთხვევასთან კონტაქტის შესახებ შეტყობინების მიღებისთანავე შეგიძლიათ ტესტის უფასოდ გაკეთება.

ტესტს შეუძლია უსიმპტომო ინფიცირებულ პირთა გამოვლენა. ის უნდა ჩატარდეს სავარაუდო დაინფიცირებიდან არაუადრეს მე-5 დღისა.

ტესტის დადასტურების შემთხვევაში თქვენ დაგიკავშირდებიან კანტონის უფლებამოსილი სამსახურიდან, რათა მიიღოთ რეკომენდაციები. ყოველივე მიმართულია ვირუსის გავრცელების შესაჩერებლად.

მივიღებ თუ არა ისევ ხელფასს, თუ ვირუსის შესაძლო გადადების შესახებ შეტყობინების მიღების შემდეგ სახლში დარჩენას გადავწყვეტთ?

თუ დადასტურებულ შემთხვევასთან კონტაქტის შესახებ მიიღეთ შეტყობინება, დარეკეთ სვისკოვიდის (SwissCovid) საინფორმაციო ცხელ ხაზზე (ტელეფონის ნომერი იხილეთ აპლიკაციით მიღებულ შეტყობინებაში). ამ საკითხთან დაკავშირებით კონსულტაციას ცხელ ხაზზე მიიღებთ.

კანონით დამსაქმებელს არ აქვს ხელფასის გადახდის ვალდებულება, თუ თქვენ დადასტურებულ შემთხვევასთან კონტაქტის შესახებ შეტყობინების საფუძველზე რჩებით სახლში.

მხოლოდ კანტონის შესაბამისი უწყების მიერ განსაზღვრული კარანტინის რეჟიმი არის ხელფასის შემდგომი გადახდის საფუძველი.

რა არის ახალი კორონავირუსი?

რა არის სარს-კოვიდ-2 და რა არის კოვიდ-19?

ახალი კორონავირუსი 2019 წლის ბოლოს ჩინეთის ცენტრალურ ქალაქ ვუჰანში ფილტვების ანთების უჩვეულო სიხშირის გამო გამოაშკარავდა. ვირუსს ეწოდა SARS-CoV-2 და განეკუთვნება იმავე პათოგენთა ოჯახს, როგორც «ახლო აღმოსავლეთის რესპირატორული სინდრომი» MERS და «მძიმე მწვავე რესპირატორული სინდრომი» SARS.

ახალი კორონავირუსით გამოწვეულ დაავადებას ჯანდაცვის მსოფლიო ორგანიზაციამ 2020 წლის 11. თებერვალს ოფიციალური სახელი უწოდა: კოვიდ-19/COVID-19, ანუ «coronavirus disease 2019» ან გერმანულად «Coronavirus-Krankheit 2019».

ამჟამად არსებული ინფორმაციით დგინდება, რომ ადამიანებს ვირუსი ცხოველებისგან გადაედო და ახლა ის ადამიანიდან ადამიანზე ვრცელდება. დაავადების წარმოშობის საწყისი წყარო, სავარაუდოდ, ქალაქ ვუჰანში არსებული თევზებისა და ცოველების ბაზარია, რომელიც ჩინურმა უწყებებმა ამასობაში დახურეს.

დამატებითი ინფორმაცია: www.bag-coronavirus.ch

www.bag.admin.ch/neues-coronavirus

(გერმანულ, ფრანგულ, იტალიურ, ინგლისურ ენებზე)



Schweizerische Eidgenossenschaft
Confédération suisse
Confederazione Svizzera
Confederaziun svizra

Bundesamt für Gesundheit BAG
Office fédéral de la santé publique OFSP
Ufficio federale della sanità pubblica UFSP
Federal Office of Public Health FOPH

Swiss Confederation